

天一閣藏明代方志選刊

慈利縣志

一九六四年四月上海古籍
書店據寧波天一閣藏明萬
曆刻本景印原書版框高二
二·四公分寬一五·〇公分

萬曆慈利縣志

僑寓

右慈利志十八卷萬曆元年余入慈政暇索舊乘閱之得蔣喻二公前後所纂述者於鄉大夫朱相之家頗病其簡而弗談混而失次乃為之采摭故實旁徵故老擇其可以厚生善俗而興政務者彙分條拆其有關於慈邑之故者雖舊乘所無而必以附錄其無關於慈邑之故者雖舊乘所有而不以剽入但世代寢遠典章莫稽山川陵谷之變見聞多所

不逮乃歆覈時事之因革於弘正嘉隆數十年之後其逸落不已多乎然近事所存衆聞所協者莫不備而錄之以俟後之君子有任紀載之責者因略以推詳則是十八卷者其亦足備慈邑之藹蕤也與閩清源復峰陳光前子翼書

慈利縣志目錄

卷之一

天文

卷之二

建置

形勝

封域

圖里

險塞

卷之三

城池

卷之四

山川



卷之五

土田

水利

橋梁

卷之六

風俗

卷之七

物產

卷之八

戶口

田賦

卷之九

課程

上供

支費

職役

卷之十

公宇

卷之十一

學校

卷之十二

典祀

丘墓

叢祀

卷之十三

秩官

卷之十四

選舉

卷之十五

人物

卷之十六

衛所

卷之十七

土夷

卷之十八

慈利縣志卷之一

閩清源陳光前纂脩

在天成象在地成形九州封域各有分星星聚牛女
晉祥先徵歲淫玄枵禪龜知傾鵠尾之次楚封攸司
質之向謚云是星墟察見妖祥救政序事志天文
慈荊州之域天文翼軫之度

春秋元命包軫星散為荊州

漢書地里志楚地翼軫之分野

魏陳卓郡國躍次自張十七度至軫十一度為鵠尾
之次於辰在巳楚之分野

費直起張十二度

蔡邕起張十三度

皇甫謐帝王世紀張十八度至軫十一度曰鶉尾之
次於辰在巳謂之大荒落於律為夷則斗建在申今
楚分焉

生經曰翼軫楚之分野荊州也慈在荊之南故同一
分星

又晉天文志翼軫楚荊州零陵入軫十一度

論曰考天文志慈當以軫十一度占之而舊志混言

厲翼軫殆未之深考與然吳越星紀魯墟降婁南北
東西混淆莫屬何哉昔人謂以精氣相屬而不繫乎
萬隅庶可以破拘攣之見云

天
地
人
三
才

一
二
三

四
五
六

七
八
九

十
一
二

慈利縣志卷之二

衡之西北舊實荒服秦分諸郡慈姑攸建零克淩澧
沿革後先爰入于隋慈利名縣覃夏煽亂邑治兩遷
都圖綦布戰戰綿綿地紀鍾靈惟民作乂志建置形
勝封域圖里險塞

建置

慈南裔荒服之地在衡西北舜放驩兜于崇山即其
域也赧王癸未秦白起伐楚畧取蠻夷地置黔中郡
秦始皇庚辰分天下三十六郡置慈姑縣漢高祖已

亥改黔中為武陵郡置零陽縣充縣吳景帝永安癸未零陽山裂有岩壁立如門高三百丈孫休以為祥置天門郡并置淩中縣晉明帝太康癸卯并置臨澧縣并隸天門郡後周建德中天門郡為北衡州祀天門山為南望華淩中臨澧二縣隋高祖開皇辛丑滅陳后改北衡州為崇州又置崇義縣改零陽為慈利縣俱隸崇州大業中罷崇州改澧陽郡而慈隸焉唐初郡復為澧州慈利並隸江南道高帝麟德間併崇義入慈利宋太祖乾德初慈利荆湖北路元慈利隸

湖廣行省成宗元貞丙申陞慈利縣為州於境內蠻
獠谿峒安置安定柿溪二州洪武二年己酉改慈利
州為縣隸湖廣布政使司是年庚戌土酋覃室連結
諸峒為亂徙治于十三都九年六月知縣葉守禮奏
還舊治隸常德府二十九年知州孫清以民稱不便
疏改隸岳州府編戶五十八里隆慶二年分守叅政
馮成能按九永視官塔坪地佳知縣梁可大遂改遷
於此即舊慈姑故址時民情洶洶未有定向萬曆元
年癸酉知縣方肯堂議築城垣四月畫基址始畚築

工未就適調廬陵去是年秋知縣陳光前繼至督民成之二年甲戌孟秋畢役而邑居始定焉

論曰考慈邑建置始末如此或為縣或為州或為郡沿革靡常入我

明始定為縣後以地勢迫窄徙于官塔坪即今之新址也說者以此地為秦慈姑舊基但世遠籍闕蓋不可考云

形勝

慈古荆域編脩張允記控蜀連黔延袤千里為南州